

De Wazelaer 2026



De Vastelaoveskrant van
Vastelaovend Gezelschap de Vaegers



Hoeëgheid Luc (I) Thielen Adjudante: Rob hoeben & Bas Konings

**WITTE ROUK OP ELF
VAN ELF: HABEMUS
PRINSUM!**

LAES MIER

OP PAGINA 5

**FREDJE AAMBEI
EN
'T HUDJESBAL**

LAES MIER

OP PAGINA 9

**PLANNE NIEJE
VAEGERS-
RISSIEDENSIE**


LAES MIER

OP PAGINA 11

**RECEP
VEUR 'NEN
HUDJESBAL**

LAES MIER

OP PAGINA 15



"Jaerke duit einen aanzeuk"

Och waat zien ze toch verleef, Jaerke Vaeger
mit zien Merie...
Zoeë gruuets wie 'ne pauwhaan, is Jaer mit 'm
aan zien zie...
Zeej kinne zich noow al elf maond, en noow vind
Jaer 't toch waal tied...
Um einen aanzeuk te gaon doon, want hae wilt
Merieke neet mier kwiet...
't Mót dan ouk gebeure op d'n 11e van d'n 11e op
de trappe van 't stadhoes...
Want volgend jaor wilt hae die trap dao op,
waat ik óg zeker smoes...
Zeej ginge daen daag de stad in, Merieke det
wis nog van niks...
Maar Jaerke had alles geregeld, en eine sjieke
rink veur 'm gefiks...
Mit al eur Vaegers vrinde en ein joekskepel
ginge zeej veurop...
Zoeëvuuel minse ware op de bein, die
gezelligheid waas alvas veur nop...
Geregeld waas det nao 't schete van 't kenón,
hae 't zoel gaon waoge...
Tiejes 't leed "nog efkes same" ging hae 'm
intelik dan vraoge...
't Leedje det speulde... de luuj op de mert ware
gans stil...
"Merieke wils se mit mich trouwe?", en het zag:
"jao Jaerke ik wil"...
Maar ein dink meus Jaer belaoove, en det zag 't

gans beslis...
Det 't trouwe 't volgend jaor waal op
boerebroelofs dinsdaag is...
De Vaegers en alle 11e van d'n 11e gaste
schrieëwde 't van bliedschap oet...
En leefdesträönkes die lepe beej de
aanstaonden broedegóm en broed...
Merieke droog ziene golde rink mit
vaegersembleem d'r midde op...
En 't ganse plein vol mit minse stónd van plezeer
zoeë op de kop...
In eine groeëte póllenaes van de Vleisstraot
wies 't viaduuk...
En mit nog mier meziek ging 't ouk weer nao de
mert truuk...
Jaerke zienen druim um 't zoeë te doon, kwaam
toch gans good...
En hae kósde zien leef Merieke ónder 't fuuelke
van zienen hood...
't Volgend jaor geit 't gebeure dan staon zeej
weer same heej...
Mit Vaegersprins, adjedante en alles waat beej
eur huurt d'r beej...
Maar iers dezen daag nog ff viere, mit al die
luuj noow in de stad...
En veur Jaer woort oet volle bors gezóng
"Zó'ne goje hebbe weej nog noeëts gehad"....

VASTELAOVEND SAME!!!

Gé Deenen

Vastelaovend 2025





venloverkoelt.nl
POWERED BY THEEWEN KOEL- & KLIMAATTECHNIEK

tillefoon 077 3545922



ENJOB
ENJOY YOUR JOB

Remundsestr. 43 Venlo
till. 077 763 0405 www.enjob.nl



W. van Elderen
tegelhandel en tegelzetterij

Huiskensstraot 62 till. 077 351 2942 www.wvanelderen.nl

WITTE ROUK OP ELF VAN ELF: HABEMUS PRINSUM!

Van ós scherpscheet-redaksie

Al verscheijene jaore op riej luues geej in dees kwaliteitskrant euver de strapatse van 't Elf van Elf kenon.

't Eine jaor schoot 't kenon 'n gaat in de Golden Tijger, op det moment nog de nieje Vaegers rissiedensie, 't veurig jaor woort de luip aafgesteld richting Grenswerk en woort d'r 'n gaat geschaote in d'n achterkant van de bühne veur 't Stadhoes.

De Vaegers zien dan ouk 'n gewillig doelwit. Ouk dit jaor haolde 't

zich nao 't iezere gevaorte begoof en de vlam in 't lont brach trók hae zich namelijk een groeët wit roukgordien op.

Wao de verzamelde Vastelaovesvierders meinde det dit 'n ongelök betróf, zooge weeje aevel wat anders. Waas 't namelijk al 'ne vruuegen hint veur de nieje stadshoeëgheid? De minse vlakbeej de buun hoorte ouk gesmiespel in de Raod van Elf: "Habemus Prinsum!".

De doorgaons good ingevoerde redaksie van dees krant zet zien zoor verdeende pecunia d'r dan



Leef Vaegers en Vaegerinnekes,

Baeter laat dan noeëts

In 't laeve is niks mekkelikers as dien eige gewuutes en valkoele te kinne, mien groeëtste valkoel is dan ouk neet zoeë lastig te herkinne en kin veural vervaelend veur de minse um mich haer zien. Gesterk door de gedachte: zónder wrieving gen glaas en zónder drók gennen aolie, bin ik toch altied op mien bes as d'n drók 't hoeëgs wuurt! As de zake haos ech klaor mótte zien kump de multitasker in mich nao baove en struimp de inspiratie riekelik.

't Is neet det ik 't neet anders perbeer, zoeë as schrieve veur de Wazelaer. Tiedig krieg ik via de houfredacteur 'n berich of ik dit jaor weer gaer alles tiedig wil aanlevere. Mien standaard antwoord is dan ouk: Jaozeker! En vol goje mood klap ik miene laptop aoep um nao ongeveer 11 minute nao ein laeg scherm te hebbe gekeke, mien eige kónklusie dan flot volg: 't is nog te vruueg en ik heb nog tied zat. 't Verhaol mit de laptop aoep en toe te make vindt inkele kiere plaats. Wies weer ein berich:

"Vergits se neet de stökke te steure?!" Wie gezag drók stij en de inspiratie begint te struime.

Dit vindt neteurlik ouk ziene waeg nao de prinsekemissie al zien weeje dao waat mier in balans, van 't veuroetkiekende van de sirremoniemeister wies 't plenne en organisere van de chef de protocol. Gesterk door 't feit det vastelaovend dreit op tradities en vaste momente kinne zeeje 't same aaf en toe waat mekkeliker los laote en hebbe weeje idder jaor de ier um 't nie Dreejspan oet te meuge zeuke en te begeleie. Doordet weeje ós dan ouk door en door kinne, löp de veurbereiding dan ouk wie ein zunke en pak idder zien taak. Al leet det dit jaor inens net waat anders, eine Hoeëgheid dae ouk de andere kant van de medalie kint en wet wie 't óngevier löp. Al weit ik zeker det 't veur ein Dreejspan mit inkiek in de keuke ouk zuut waat veur geaoliede kemsissie weeje zien en weeje as de Vaegers same ein top seizoen gaon belaeve.

Zoeë heb ik same mit d'n houfredakteur van deze óneuvetroffe Vastelaoveskrant, de veurzitter, de chef de protocol en de sirremoniemeister ós eige traditie óntwikkeld, ein traditie die veur eur vervaelender kin zien as veur mich. Maar good det weeje allemaol anders zien en det mak ós same zó'n good team. As weeje allemaol ónthalde baeter laat dan noeëts guf 't misschien veur idderein aaf en toe waat mier rös.

Vastelaovend same!



kenon de nuuedige strapatse oet. Of waas 't ne verkapde aanwiesing.

Geeje wet det alles in deze oetgave berós op feite en waorgebeurde veurvalle. Dus zoeë ouk 't gegaeve det 'ne neet nader te neume Vors zich dit jaor bedach um 't aafschete van 't kenon ens van iets mier spektakel te veurzeen. Wie hae

ouk op in det de Martinusbasiliek dan ouk wal ens de nieje rissiedensie kint zien van Prins Spee d'n Ierste.

Colofon

Houfredaksie:

Nieky van Steenkiste

Schriëvers:

Gé Deenen
Hans Jacobs
Frank Jacobs
Jeroen van Ulft
Frans van de Rijdt
Piet Stroeken (zaliger)
Nieky van Steenkiste

Kommersie:

Wouter Beckx
Cock Ooms
Richard Ooms
Ricardo Ooms

Fotografie:

Astrogeert
Eige archief

Gedigi-drók door:

Braind.nl

Opmaak:

Rogier van Went

Indredaksie:

Frans van de Rijdt

Krant neet bezörg/klachte/
verhoezing:

Steur 'ne email nao:

sikkertaris@vaegers.nl

De redaksie van de Wazelaer
is op gen inkele manier

aansprakelik veur de inhoud
van dees digitale krant. Ós
schrievers en meijwerkers
legge inkel verslaag op basis
van feite en dinger die zeeje
gezeen meine te hebbe. Heb
ge toch neut op de zang, dan
kint geeje 'n poging waoge
um kóntak op te neme mit
de houfredaksie, aevel smeis
't det genne zin. Is de krant
neet bezorg, det kin kloppe,
aangezeen weeje volledig mei
gaon mit d'n tied en allein
nog digitaal drökke.

DE MASKESDOKTER

Piet Stroekentj, Venloos

Vanmorge waar d'n Dieke van hoes
gegaon mit de ónverschilligheid
vanenne zelfmoordenaer.
Kamillenthee, heite deuk en Iesus-
pap hadde allemaol niks gebaat. 'n
Gans fleske Hoffmanns-dröppels,
wao nog minstens veur 'n kwartje
in zoot, hatte mit wetjes aan zien'n
tand gedouwd. Maar louw, niks
woel baate: gen gooj wäörd van
zien vrouw die hae de ganse nach
had wakker gehalde en gen kwaaj
wäörd van 'm zelf, die hae stiekum
tösse alle wetjes en pepkes door in
d'n haolen tand had gesmiespeld.

Pien, pien en nog ens pien! 't Leek
waal of daen tand vanzelf nao
baove kroop.

meus gaon. D'n daag waar te
gooj in de lóch, wie-e nao boete
de snieë in slidderde. Beej iddere
stap pitsde 'm d'n tand in zien
kakement. Ik heb fies de worm in
mien aetkamermeublement, dach
d'n Dieke, wie-e inens beej de
schouwer woort gegrepe.

“Maske aaf!” zag de pliesie. “Det geit zoeë maar neet. De ganse nach op de lappe gewaes en noow d’n daag in de lóch is, perbere ze óngekind nao hoes te gaon. Slampampers! Zoeëlang as ik d’r waat aan doon kan....Veuruit, maske aaf of ik neem dich mei nao ‘t b’roo”.

de wachkamer

waar-e d'n ierste. Mit 'ne zuch van
algehieële euvergave leet-e zich
op 'ne stool valle. Ik capituleer,
dach-e. Baeter ein korte pien as
ein lange. En det had Lodewijk XVI
ouk gezag, wie ze 'm nao 't schavot
reje.

D'n Dieke begós zich juus erg allein
te veule en verbeelde zich dette
al gen tandpien mier had, wie-e
zoog det de deurklink begós te
kwispele. Det is d'r eine, dach-e,
dae perbeert dalik zien vrouw nog
wies te make, det 't geslaote waar.
Mit vastenaovend kan

D'n Dieke wis al genóg, en veulde mit zien tóng naeve d'n ougtand. Zien stumming zakde nog tweeë striepkes lieëger.

Weer ging de deur aop, en wèèr. Sómmege kwame binne mit ein bescheideheid die boekdeile sprook. Andere deje of det ze heej ederen daag euver de vloer kwame, maar al die vrechheid waar opgelag wie eikeholt op 'n denne bedstaej. Mit tieën ware zeej noow al. Allemaol maskes op 'n rie. As weej noow veur pries opginge, kreeg die vrouw mit dae nuijsdook en det.....

Rrrrrinnnnnnnnnk! Dao ging de
bel.

“Got geej maar veur” zag d’n Dieke belaeftaege de man mit ‘t lepke.

En dae ging. Zelf vónd-te
't idee geweldig en mit ein
dankbaar geveul luusterde
hae vief minute later nao
ein ónderdrök getieëm, det
aaf en toe aanzwol tot 'nen
hardere schrieëf. 't Kwaam
oet de spraekkamer. In de
wachkamer woort 't stil
wie aan 'nen biechstool.
Nummer vief in de rie,
dae aanhaldend mit eine
zakdook d'n oetwas van
ein wang bestreek, pakde
inens zien'n hood.

“Vastenaovend same”,
zag hae en hae waar
weg.

Det t'r wie langer wie
minder gespraoke, en
wie langer wie mier
gekuump woort, lieët
zich gemekkelijk dinke.
D'n Dieke leet d'r nog
veer veurgaon, maar
de viefde keek 'm
mit 'n saort gemein
eer aan. De Zoore.

Det waar aevel noeëts enne kammeraat van 'm gewaes. "Nae Dieke", zag de Zoore, in d'n oorlog van viertieën-achtieën leetste mich ouk neet veurgaon mit die eenheidswors achter de hal, wetste nog waal. En noow dank ik d'r veur. Dich bis d'raan".

D 'n dokter veel nogal mei in 't
gebroek. Hae bekeek d'n Dieke
zien maske ens, vónd alles erg
gezónd d'r oet zeen en goof 'm
dreej daag.

Good binne blieve, werm halde,
alles in de watte, mit kamille
speule, perbeer te lache en
Aswoensdaag truuk kómme.

“Daag Vastenaovend”, greekde d’n
Dieke wie-e boete stónd.

'nen dokter ouk haos
gen spraekoor halde. Maar de
deurklink, door hiel waat benauwde
hand in de loup van de jaore in
wanhaop verknoeveld, leet neet mit
zich moerkse, en de deur ging aope
veurdet de hand eur kós loslaote.

Det gojekoupe smoesje geit alves
neet door, dach d'n Dieke wie d'r
eine man mit 'ne lap veur zien oug
op de tieën binnekwaam, en hae
meint ouk nog dette de kerk in
kump ónder de cónsecratie.

D'r woort waat gezag waat op "gojemorge" liekende. "Det kump van d'n tand", zag de mins mit 't lepke en wees op zien toegedek oug. Nemes had 'm waat gevraagd. "Aste neet oppas, zag mich d'n dokter..."

En hae greep d'n Dieke nao
zien pien gezich.

“Au! Pas op. Det is gen maske. Det heb ik van eiges....” En hiel veurzichtig dreide hae de sjaal los, wao zien gezich veur dreejkwart ónder verborge waar.

De pliesie douwde zien roeëd
gezicht in de buurt van d'n
ingebakerden Dieke, dae ein kleur
had wie schoeëngeraegenden
asfalt.

“Doorloupe!” zag de pliesie. “En maak gen buregeruch.”

Ein bietje dol baove de ouge
schravelde d'n Dieke vaerder.

Beej d'n dokter stónd de deur al
aop. 't Rook erg nao gashoes, en in

Offe greujde.

“Roeës” had Stien gezag. “Roeës en nog waat koorts van de griep, anders niks.”

Mit ein gezicht wie 'n foeës
tomaat en aan iddere haor enne
zweitdröppel waar-e intelik in slaop
gevalle, doeëd op van 't gedrei.

't lêerste waat-e 's morgens deej
waas veule offe nog pien had,
en wie-e zich spiegelde, zoog-e
twieë waterige ouge baove ein
opgeblaoze gezich. Links waar 't
dieker as rechs.

Taam van alle pien, door alle
pepkjes, kamille en dröppels,
leet-e zich door Stien zegge:
dette maar ens nao d'n tandarts





Leef minse,

Waat hebbe weej mit Hoeëgheid Nils I en zien Adjes Shiva & Tom eine prachtige tied meuge belaeve. Neet inkel door 't enthousiasme van dit illuustere Dreejspan, maar ouk zeker door de muzikalen inbring van dit dreejspan, in kombinasie mit "De Broor van". Op ein in daen illuustere top 555 stónd dan waal 'Nao 't Zuuje', maar jaowaal, en laes 't good, ós Dreejspan & de broor van.. stónde op plek 17 mit 't nummer "Vier mit ós mei (kóm maar)". As veurzitter enorm gruuets det zeej ós gezelschap veur zien gegaon, al vierde zeej zoeë vuuel, zoeë laat en zoeë lang, dat deze veurzitter 't toch neet ederskier kós trekke.

Ik schreef óg vurrig jaor dat ik gruuets waar mit ós nije residensie Grenswerk. En ik schreef óg ouk dat weej d'r tweeë momente zoele verblieve, te weite d'n ónvolpreze Hudjesbal en ós Groeëte resepsie. Dees tweeë momente ware prachtig. Aevel óndertösse hebbe weej ouk 't aaftraeje van Hoeëgheid Nils I meuge belaeve beej Grenswerk, te weite in Grenswerk kefee. Det beteikent det weej d'r dreej kier per jaor ós opwachting make.

Dao blief 't neet beej, weej gaon ouk richting ós residensie, veuraafgaond aan d'n Boerenoptóch, op Vastelaovesdinsdaag, um eine gojen baom te legge mit ein ónvervals boere óntbijt.

As veurzitter heb ik mit ós gezelschap weer inkele hoeëgtepunte meuge belaeve afgeloupe jaor. Ik wil d'r tweeë beneume.

Weej hebbe sinds ós afgeloupe algemeine lejevergadering weer ein voltallig Dagelijks Bestuur. D'n hier Josh Titulaer is togetraeje as Sikretaris. Adje in 2023 beej Hoeëgheid Martijn II, daonao opgenaome in de Raod van Elf, en noow dus ózze nije Sik. En daonaeve hebbe weej d'n hier Luc Munninghof, togetraeje as ózze nije Penningfoekser. Hae zit veur zien werk dageliks te kieke of debet en credit geliek zien, dus dao heb ik as ald-penningmeister vuuel vertrouwe in. Tuurlik veur d'n echte vastelaovesvierder gen hoeëgtepunt, maar veur eine veurzitter waal. Super um minse te vinde die ein beejdraag wille levere aan ós gezelschap.

Naeve baovestaonde vónd ik 't ein hoeëgtepunt in ós vereniging de paoshaas te meuge zien. 't Pak waas eigelik te klein, maar ik heb mich intelik ens hieërliek idioot meuge oetlaeve. Veur de leefhebber, d'r zien örges filmkes en foto's van. Messchiens haet de ónvolpreze hofredakteur van ós hoesblad ze gebroek. Gezeen de redaktionele vreejheid gaon ik dao neet euver, ik meug mich dao neet mei meuje.

Ik schrief óg dit stók vandaag 30 december 2025. Vurrig jaor rónnd dezen tied waar ik net truuk oet Wales. Dit jaor rónnd um de Feesdaag doon ik 't zutjes aan. Noow ja, ik heb mich afgeloupe zóndaag oetgesloof achter de bar beej Grenswerk tiejes de top 2000 cóncerte. Dit waas de derden aovend det weej mit ós gezelschap bardeens hebbe gedreid. In totaal 24 Vaegers en aanverwante hebbe zich heej veur ingezet. Hierlike

meziek, fijne minse, en ein gooj beejdraag aan het "same" gevoel binne ós gezelschap. Maar naeve dees oetsloerie doon ik 't as gezag röstig aan. 't Is nog erg drök mit alle veurbereidinge veur het nije Vastelaovesseizoen. En det is nao 't veurwerk zoeë dao.

Ik heb er in edersgeval enorm zin in óg allemaol weer te zeen tiejes al die schoeëne Vastelaovesmomente die in hiel de stad plaatsvinde. Geneet van al het moeëjs waat Vastelaovend bringk.

Vastelaovend Same!



VASTELAOVEND BEEJ WILHELMINA



LEKKER SLAOPE, AETE EN DRINKE



FREDJE AAMBEI EN 'T HUDJESBAL

Idderein kin waal waat kwante Nederlânse plaatsname.

Sexbierum in Friesland kin waalich idderein. In die pervins leet ouk 't Moddergat!

Maar waat te dinke van Klaphek in Utrecht of Kampeersnol in Noord-Holland.

En in Trutjeshoek in Gelderland wils se toch zekers neet woeëne. Dan nog lever in Poepershoek of Doosje, alletwieë in Overijssel.

Dan hebs se ouk nog Boerenhol in Zieëland.

Ik wil 't aewel effe hebbe euver ein achternaef van eine trouwe bezeuger van de aktiviteite van De Vaegers. Det is namelik Fredje Aambei oet 't gehuch Rectum in Twente. Fredje is dao neer gebaore, hae kump oeërsprónkelik van Poepershoek oet Overijssel, doeën beej Zwartsluis.

Wie hae ging trouwe, ging hae woeëne in Rectum, wao zien vruike hiel eur laeve al woeënde. Als Poepershoekker veulde hae zich dao drek thoes.

Beej ein femilereunie in Venlo zoog Fredje Aambei zien achternaef Jaer Jansen veur 't iers. Jaer, eine richtige Venlonaer en vaste bezeuger van alles waat De Vaegers organisere, kwaam aan de praot mit Fredje Aambei.

Laot noow 't toeval zien det d'n daag nao de reunie 't Hudjesbal plaats zoel vinde.

Zien achternaef had neteurlik waal einen hood op ziene kieëbus, aewel waas hae verkleid as ein nogal oet te kloete gewasse banaan! 'Zo goed, neefje,' vroeg Fredje Aambei? 'Dat heb ik weleens in Amsterdam gezien toen ik daar toevallig een cafeetje binnenliep met carnaval.'

Jaer wis iers neet waat hae meus zegge.

'Uh...tja...een banaan. Apart...heel apart...ewel wel...biezonder. Is goed Fredje. We zulle eerst er ene indrinke veurdet wij gaon. Kom binne.'

Mit meujte pasde Fredje door de smale gank.

'Wat is dat, neefje? Wat is indrinken? Dat kennen wij in Rectum niet.' 'Och gewoon een pilsje kloeke voordat weej gaan.'

Nao twee flesse beer ginge zeej op paad.

Vanzelfsprekend waas Fredje Aambei de groeëte bezeenswaardigheid van 't Hudjesbal. Eine knappe buuttereedner zoel nog mier meujte hebbe um de minse aan 't lache te kriege dan Fredje Aambei in zien pekske.

Fredje Aambei veulde zich aewel gepaerdskeutelt. Hae had noeëts gedach det hae zoeë populair zoel zien. Waat later op d'n aovend waas Fredje aewel kwiet. Waas

dae waalich toch verdreëtig umdet hae had bemerk det hae eigelik veur Jan Joker leep?

Achternaef Jaer ging um zeuke. Gelökkig kwaam hae Fredje taeg. Dae kwaam juus van de plee aaf. Zien banaan hóng wies euver zien kneen. Gans verkreuk.

'Doe ik nooit meer,' zag hae taeg Jaer.

'Dacht dat wij in Rectum alles van wc's wisten. Maar

wat zijn die hier in Venlo klein als je zo'n mooi kostuum aan hebt als ik.'

Jaer loog weer döbbel van 't lache. Hae zoog 't veurzich: Rectum, plee en dan ouk nog de achternaam van zien achternaef....Aambei. Det waas toch ech dreej op ein riel! Wie zeej later weer de zaal in lepe hadde zeej alletwieë allein nog maar ein hudje op de kop.

Ein jaor later is Fredje Aambei neet mier nao 't Hudjesbal gegaon.

'Dae had d'r de bóks van vol....'

Zag Jaer taeg ederein.

't Bananenpak hink noow in 't Limburgs Vastelaovesmuseum.

Hans Jacobs



NIEJE PENNINGFOEKSER MIT HAND IN DE HAOR DOOR DOORGESLAGE DIGITALISERING

"Det internet wuurt nog ens groeët", ik huur 't eur nog zegge. En waat bliek anno 2026, weej kinne nimmer zónder. Idderein löp mit de neus op 't scherm, weej hebbe slumme ieskes die de veurraad beer zelf beejhalde en 't is wachte op d'n ierste Hoeëgheid mit gekunstelde intilligensie. En noow mó't zelfs óggen alde, vertroewde Wazelaer d'r aan gluive. D'n insigste pepere haldvas dae geej nog had in dit digitale tiedperk. Raeje: klimaatopwarming. Volges de klimaatdoele van Schandele mó't idder Vastelaovesgezelschap ziene stein namelik beejdrage um d'n oetstoeët van 't ein of ander mit 75 percent te verlieëge. Of des se 't ein of 't ander duis, meugs se zelf bepaole.

Alzoeë kwaam 't Vaegersbesteur nao ampel beraod mit 't veurstel um de Wazelaer nimmer nao d'n drökkter te bringe. Nao schatting zoel det al flot twee esdoorns en 'nen Lindeboum schaele. Nao inkel waat taegegespötter van óg zier gewaardeerde houfredaksie woort 't plan door gezat. En zoeë laes geej dit artikel noow inkel nog via óggen iPad. Wao 't besteur aewel gen raekening mei had gehalde, waas de

pries van de Schandelse klimaatdoele. Want die 10.000 iPads beej idderein door de brevebus bezörge in plaats van de pepere krant, löp neteurlik aardig in de pepere (toch ouk weer anderhalve denneboum). En zoeë had de net aangetraoje penningfoekser d'n hier Munninghof drek 'n gigantisch gaat in de begrueting en de hand in 't haor.

Dus meug geej de Vaegers tiejes de Vastelaovesdaag in Adamskestuum en mit pepere Raodsmuts (waal kleintjes i.v.m. mit die verrekde klimaatdoele) euver de Parade zeen marchere dan kump det ónder mier door dit digitale artikel det geej noow laes. De houfredaksie zal zien uuterste bes blieve doon um de gekte van de digitalisering te bestrieje. Aewel bestaon d'r in 't laeve gen garanties. Wat waal gegarandeerd blief is det geej kint blieve vertroewe op de professionaliteit van de Wazelaer redaksie en die óg in goje en barre tieje van ónvervals niets te blief veurzeen.



Umdet zien achternaef Aambei dreej daag in Venlo bleef, kreeg hae dae zoeëwied um veur 't iers in zien laeve nao eine Vastelaovesaovend te gaon. 'Weet jij, Fredje, hoe je dan verkleid mó't zijn?', vroeg Jaer in zien beste Hollands aan ziene achternaef. Dae woel zich neet van d'n dómmehalde en zag det hae det neteurlik wis.

Zeej spoke aaf um zich same de volgenden daag um ach oor te treffe beej Jaer thoes, in Hertje stad. Zoeë gezag, zoeë gedaon.

Percies um ach oor ging beej Jaer thoes de veurdeurbel.

Wie hae aoep makde pisde Jaer haos in zien bóks.



PLANNE NIEJE VAEGERS-RISSIEDENSIE STUTE OP GROEËT VERZET

Van de hoesvestings-redaksie


V.G. De Vaegers haet vaergaonde planne um eur rissiedensie te gaon hoesveste in 'n veurmalig kloeëster haos aan de Duitse grens. Die planne stute aevel op groeët verzet van andere Vastelaovesgezelschappe en umwoeënde. De Wazelaer ging op ónderzoek oet en zóch oet wao 't verzet vanaaf kump en wie 't pleit beslech kin gaon waere.

De Vaegers hebbe d'r óndertösse 'n tradisie van gemak um jaorliks van rissiedensie te wissele nao 't sloete van de Venlonazaal. D'n Tijger pasde neet gans beej de ambisies en ouk Grenswerk wuurt nao 'n daverend suksesjaor eigelik alweer te klein.

't Poppodium kin maar 400 bezoekers hoesveste en dus woort de zeuktóch gestart nao 'n groeëtere rissiedensie. 't Heel aevel neet euver. In de Maaspaort had zich al 'n ander 'wiechtig' gezelschap gevestig en 't Julianapark is ouk zoeë kald in de winter um 'n tent neer te zette veur die hordes Vaegers-fans. Nao 'ne lange zeuktóch veel 't oug oetintelik op 'n veurmalig kloeëster. Waallich neet zoeë veur de hand liggend dao baove op daen berg, aevel kinne d'r minstes 600 joeksige Vastelaovesvierders gehoesves waere veur 't Hudjesbal, zoeë woort belaoef. 't Besteur van De Vaegers zoog 't waal zitte en de Raod van Elf stumde unaniem in mit dit groeëtse plan. 't Niets waas aevel nog neet mit de posdoef ónderwaeges of 't waas al hómmeles in de kerk.

Tiejes 't zustervereniginge-euverleg bleke verscheie Vastelaovesgezelschappe van links wies (mit name) rechts 't d'r neet mit ins te zien. In dees normaal zoeë beslaote vergadering waas de verslaaggaever van deens 'under-kóffer' binne weite te glippe um zien oeër te luuster te legge. In verband mit persueenlike veiligheid zien de name op las van de pliesie weggelak. Zoeë leet Vors  van 

 dutelik zien standpunt blieke: "D'r zien noow einmaol gezelschappe in Venlo, ik neum vaerder gen name, die 't idders kier klaor kriege um net euver 't rendje te gaon. Iers die vlagge oppe retonde, dan weer 'ne Corona-prins taegede aafspaoke in, en noow zeuke zeej 't hoeëgerop op 'n lokasie die grens aan historisch erfgoed mit nota bene mier cachet dan ós eige rissiedensie. Ik bin d'r waal klaor mei".

Ziene collega, Vors  van V.G.  dink d'r ouk 't ziene van: "Iers pakke zeej ós 't ald pepeer aaf in ós (!) wíek en noow meine zeej ouk nog de beste lokasie op ózze grond in te neme. Jao, o.k., weeje hadde d'r meschiens zelf ouk aan kinne dinke wie we nao Domani in de stad ginge,

Zuud? Det blauw-wit van die hampelemen strook veur genne maeter mit ós strak gestileerde oranje-zwarte clubkleure. En ouk neet mit det van die amateurclub heej aan d'n euverkant van de Kaldekerkerwaeg.

Zuus se 't al veur dich, hebbe weeje de kampioensschaol haos in de hand, kleurt heej de gansen berg blauw-wit veur d'n ein of andere hoeëgheid dae net is oetgekómme. Nae danke...." Ouk iets lieëger op d'n berg wuurt d'r neet mit enthousiasme gereageerd, in taegendeil: "600 van die joeksjagers die heej nao ónder kómme, ouk nog achter 't Joeksmobiel zeker?", zaet Jaer de Schuuver. "Dae cónfetti en serpentien kriegs se noeëts mier van de straot aaf. 'Weeje Vaegers weeje Vaegje'? 't Zal, aevel as puntje beeje

tabelle, grafieke, neum 't allemaol maar op. En weeje kómme noow einmaol tot de kónklusie det 'n veurmalig kloeëster aan de grens mit plaats veur 600 echte Vaegers de ideale rissiedensie is. En det zien de feite. Weeje snappe aevel ouk de sentimente en in polletieke terme zoele weeje dit 'n impasse neume. Aevel zien weeje gelökkig gewoeën 'n Vastelaovesgezelschap det neet helt van genäöl, gegreek en bääkende gezichte. Dus weeje kómme mit 'ne gölde middewaeg binnekort."

De Wazelaer zoel de Wazelaer neet zien as weeje neet al wiste waat dae middewaeg zoel gaon waere. Zoeë wuurt in de kloeëstergeng namelik



maar dao geit 't zich aevel noow neet um." Neet allein andere zustervereniginge make zich dieke bein euver d'n aanstaonde euverstap van De Vaegers, umwoeënde zien d'r ouk al neet euver te spraeke. Ouk heej zien gen echte name gebroek op las van de pliesie. "Weeje runne heej 'n professionele voetbalclub vlakbeeje he," zaet d'n hier V. van de Boys. "Wie mótt det dan as weeje weer 'nen topper mótte hippe taegede Graashook of Buggenum-

päölke kump, staon ik heej idderen daag de stoep weer te kaere." Óndanks de negatieve reaksies oet de gemeinschap zien De Vaegers neet van zins um eur planne te aan te passe. "Kiek", zaet Vors Vaeger in 'n exclusief interview mit ógge gewaardeerde verslaaggaever. "Weeje hebbe noow einmaol allerlei beraekeninge d'r op los gelaote, gekeke nao achtergrónde van d'n Hudjesbal-bezeuker, statistieke, Excel-bestande, struimschema's,

gespraoke euver 'ne gefaseerden euvergangk. Veur 't kómmend jaor helt det in det d'r ruimte is veur persies 328 Vastelaovesvierders en dan zeen de Vaegers oetintelik waal wao 't schiep strand.

Kinne zeeje dan neet baeter in Grenswerk blieve huur ik óg dinke?

't Zoel kinne, aevel zitte ze wie dan ouk weer aan de grens.



De Vastelaoveskrant van
Vastelaovend Gezelschap de Vaegers





Hoeëgheid Luc (I) Thielen Adjudante: Rob hoeben & Bas Konings

Heb se met de vastelaovend
gek gedaan en de bein in de knop?
Wesj weite doo waal reed meij !!

Fysio Centrum Tegelen
Industriestraat 94a
5131 PE Tegelen
☎ 077-326 0630
info@fysiocentrumtegelen.nl

Fysio Centrum Veld
Veldendweg 41
5154 SL Veld
☎ 077-351 1475
info@fysiocentrumveld.nl

Fysio Centrum Veld-Blerick
Willemstraat 15
5151 SA Veld
☎ 077-326 0630
info@fysiocentrumblerick.nl

MAXOM
websites & online marketing

KSG, ogge finansjele sparringspartner,
van bootholding en aangifte, wies balans en BTW,
mien fiscale papperasse zien in gooj hand beej KSG

accountants & belastingadviseurs

Kastielhof 2 Kessel till. 077 462 2495 www.ksg.nl

ee кафе de

Brasserie

Venlogistics

GEEJ ZEG WAORHAER,
EN VENLOGISTICS
REGELT 'T GAER

Horsterwaeg 217, till. 077-3960430 www.venlogistics.nl



RECEP VEUR 'NEN HUDJESBAL

Van ógge culinair recensent

Ze schete wörkelik as paddesteul oet de grónd: de (Venlose) kaokbeuk.

Van Thoesrecepte wies 't Bieëstig Venloos Kaokbook.

De kins beej Koops en andere bokewinkels neet binne kómme of ze lache dich al toe. En ik heb d'r ens good door haer geblajerd.

Det wuurt neteurlik ouk waal verwach van d'n Ópperpreuver van deze Vastelaoveskrant. En in die bukskes kumps se, ierlik is ierlik, d'n hierliksten bik taege. Van huidvleis, kerboet en wilde knien wies pletskes veur beej 'n tas kóffie en de culinaire slaag van ózzen eige stads-Fransoos.

Aevel mis ik toch waal 't veurnaamste recep in al die beuk, namelijk dae veur d'n enige echte Hudjesbal!

Want wie touvers se 'nen einfachen bal noow um wies 'ne veurtreffeliken bal. Det zal ik óg heej ens haorfien oet de deuk doen.

Ingrediënte:

- 'nen Hoeëgheid. Leefs neet te mager, d'r meug gerös 'n bietje spek op de rubbe zitte.

- Twieë Adjedante. Good gemarineerd. Beej adjedante haes se namelijk 't risico det 't al flot druueg wuurt. Dus veural good blieve doordrenke tiejes 't suddere.

- 'ne Raod van Elf. De Chinese Five Spices, aevel dan op zien Venloos en mit elf kruje in plaats van vief.

- Goje Vastelaovesmeziek. Aete duis se toch zekers mit al dien zintuge. Dus mós se d'n bal ouk good kinne hure ónder 't gaar waere.

- Cónfetti en andere gekleurden trala. Zeen is aete. Zeen 't ouk 'n bietje as de vermicel in groeëtmoders soep.

- En neet te vergaete: Hudjes. Vuuel hudjes! Anders is 't maar zó'ne gewoeënen bal. De hudjes maken d'n Hudjesbal gans aaf.

Haes se de ingrediënte beej ein kinne vinde, dan is 't vaerder eigelik 'n friet-eike.

De smiets 't al ónderein in 'ne groeëte kómp. Leefs 's aoves rónnd 'n oor of ach opzette. En dan gewoeën langzaam laote suddere. Ein oor en elf minute later duis se d'n hoeëgheid en de adjedante d'r beej. Good oplette, want 't kin dan opens good gaon borrele. Vaerder laote staon wies 'n oor of ein, twieë.

Sómmige koks laote 't nog waal ens doorkaoke wies dreej, veer oor. Det kin ouk, aevel wuurt de smaak d'r dök neet baeter van.

En d'r gaon verhaole rónnd in de stad, des se d'r dan waal ens koppien van kriegs de morge d'r op.

Ik zoel zegge laot 't óg smake!

Want d'r geit niks baove de lekkersten Hudjesbal van gans Venlo!

ODE AAN NILS D'N IERSTE

Vaegershoeëgheid Nils d'n Ierste mit Shiva en Tom
waat hebbe wee van eur dreej genaote...
Zeej makde de Vastelaovend mier dan waar
en wee zulle d'r ouk nog dök euver praote....

Weer eine Deenen Hoeëgheid op de buun
mit ald Hoeëgdheid Rob had ik zoeë te doen
Zoeë gruuets wie 'nen aap mit zeve sterte
Leep dae in d'n ozel nog naeve zien schoon
Det meugs se aevel as vader dan ouk bes

En zoele dit neet hebbe wille misse...
Hoeëgheid Nils huurt dan nog hiel dök
"span herres knöl: Dao is se!"
Zeej wille ouk neet stoppe op de buun
Aevel zónder mantels, en muts mit vaere

Zeej hebbe zich as Dreejspan opgegave
Um same broedsmaedjes te gaon waere
'Nen toer woort al op d'n bluts gepas
En ik maak dan ouk gaer mit óg 'n wedje
Binnekort staon die beej Janine



En dao in stónd hae ouk zeker neet allein
Want ouk Nils heel ziene gruuetsse ome Gé
deze vastelaovend hiel dök op de bein
Wao zeej ouk eur schoeën leedje zóng

De stumming waas everal grandioos
As dit Dreejspan örges binne kwaam
Dan ging de Vastelaovend ech pas loos
Zeej dreej genete nog idderen daag nao

Dückers te prónke in eur allerschoeënste kledje
Och, 't is maar kwazel... 't is Vastelaovend
en det mótte wee altijd blieve viere...

Mit Nils, Shiva en Tom is det zeker gelök

Daorum groeëten dank aan dees dreej hiere!"

HOEËGHEID LUC (I) THIELEN

Sinds jaor en daag wuurt traditioneel de äöpening van de Vastelaovend door gans Limburg in 't Stedje van Lol en Plezeer ingeluujd. Al ruim 33 jaor trekke al mier as 30 doezend man te voot, mit d'n draodaezel of Zoepkoexpress richting de stad um alles gaon te belaeve wao Venlo riek in is. Zoeë trok op de ierste editie eine jónge jóng oet Maasbree richting 't Venlose en op die Alde Mert óntstónd dan ouk d'n druim um oeëts veurop te meuge gaon in de Venlose vastelaovend. Want det waas daoveur nog gen gegaeve.

Ózze niejen Hoeëgheid Luc I (Thielen) woort in 1975 gebaore in Tegele en greujde op in Maasbree. In de geborgeheid van 't dörp woort hae groeët, sloot Luc I (ónderandere mit ziene adjedant Rob) vrindschappe veur 't laeve en ging hae ouk veur 't

iers vastelaovend viere op zien Breets, maar waal mit Venlose meziek. De groeëte stad waas toen nog wiede weg, beej d'n Hoeëgheid laefde toen veural nog 't gedachte good oet Bree gaon ik toch noeëts weg.

Dao kwaam langsam verandering in wie hae nao 't Thomascollege ging. Wwie op 4 Havo 't ierste vriendinke oet de stad kwaam woort Maasbree toch ech te klein en woort de focus verlag richting de stad. Op 18 jöörige laeftied vónd hae veural zelf det hae ald en wies genóg waar um Maasbree te verlaote, ging aan 't werk beej de grutste hamburgerkete van 't land en makde alles mei waat d'r in de stad te belaeve waas. Nao ein aantal jaore alles belaeft te hebbe, kwaam Luc tot de cónclusie det dit toch neet de toekóms waar. Hae ging nao de HEAO in Eindhoven. Op 't ind van de

studie Onroerend goed Makelaardij kwaam hae tot 'n conclusie dit waas 't um neet. Wao Luc I altied óntkint haet det pap leuk werk deej, loog dao waal zien toekóms en is hae noow werkzaam as kentoeërdirecteur beej KSG in Kessel.

Vandaag d'n daag woeënt hae in Venlo mit zien vruike Florance en kinder Sanne en Imke, en is hae ziene druim as jónge jóng in de Zoepkoel noeëts vergaete. Via de ald veurzitter Richard Ooms woort hae lid van Vastelaoves Gezelschap de Vaegers. Vervólde jaore de rol van Penningfoekser en is sinds inkele jaore veurzitter van ós Gezelschap. En dit jaor zuut hae zienen druim oetkómme en geit hae de Vaegers veur as prins Luc I.



ADJUDANT ROB HOEBEN

Opjóngelaeftied lierde Luc I adjedant 1, d'n hier Rob Hoeben kinne. Same greujde zeej op in Maasbree en zote zeej beej Jong Nederland, same op kamp en weekend weg.

Rob is al van jónks aaf aan de verstendige en 't brave menneke van 't stel. Wao Luc I neet wis wao hae haer ging mit zien laeve wis Rob al van jónks aaf aan det hae woel gaon studere, beej Philips gaon werke en dao ouk mit pensioen zoel gaon. Veurdet hae nao Philips ging had Rob nog 'n weekendbaantje beej de Pos, rón drieje in 't roeje waegentje um de ganse stad van eur pos te veurzeen.


Wie Rob klaor waas mit studere en Luc I dao weer net aan begós, kós d'n Hoeëgheid dit baantje van Rob euverneme, neet weitende det beej

de pos de basis veur dit Dreejspan is gelag.

Philips is toch getoes en noow is hae werkzaam beej de chipsfabrikant NXP.

Woeënt hae same mit Diane en de kinder Mathijs en Madeleine in Helje, wao hae ouk actief is in de lokale polletiek. In de vrejen tied geneet Rob veural van 't laeve.

Lekker aete, zelf kaoke, duit hae aan holtbewerking en lös hae gaer eine Wiskey mit 'n gooj segaar daobeej. Mit wiesheid en stabiliteit zörg Rob veur de aaf en toe nuuedige rös binne 't Dreejspan.



ADJUDANT BAS KONINGS

Beej de pos kwaam Bas Konings letterlik 't laeve van Luc I binnegereje, same zote zeej in 't roeje waegentje van de pos. Same stónde zeej d'r al flot um bekind det zeej as ierste dao ware en dök as letste ginge, as zeej dao nao maar zoeë flot wie meugelik nao de stad kóste gaon. Ein groeët beejkómmend veurdeil nao jaore same in de poswage is des se iddere straot en iddere gats in Venlo wets te vinde.

As echte Venlonaer, wie Bas zichzelf gaer neump, woort hae kort veur de vastelaovend 1977 gebaore op Steijl. De vastelaovend zit dan ouk al vanaaf kleins aaf in zien blood, as kleine blaag meugde hae de vastelaovend op basisschoeël de Schalm al veurgaon as prins Bas I. Nao de schoeël woort ouk veur Bas 't dörp te klein en trok hae as echte Venlonaer nao de stad. In

Venlo woeënde hae jaore same mit d'n Hoeëgheid op de Pónnywaeg. Iddere zón daag stónd de kamer blauw van de rouk en woort d'r gerik. De groeëtste zörg van daen tied waar wae de bruuedjes ging haole beej Delifrance. Door 't samewoeëne liers se dich door en door kinne vandao det d'n Hoeëgheid zich genne baeteren adjedant 2 kós winse as Bas.

Ónderwiel is ouk Venlo te klein gewaore veur Bas en woeënt hae same mit Yanne en eur 3 katte in Venroj, maar hae is nog altied gruuets werkzaam beej de gemeente Venlo.



SCHERVE

Scherve

Piet Stroeken†, Venloos

Stien waas juus bezig de slaopkamer “van kant” te make, wie d'r aan de hoesbel geluujd woort. 't Schalde van de gank wies de zölder, net of d'n brandwaer door de veurdeur nao binne reej. Stien kreeg enne schoek van schrik, dae 'm van de hakke wies aan ziene waerbörstel schoot.

veurzichtig naeve de scherve nao ónder, smeeet de straotdeur aop en zoog nemes. Wie 't de straot aafkeek, verdween in de vaerte eine slechtersjóng op de fiets. Stien kwakde de deur toe, keek de verneling op de trap ens aan en slikde tot twieë kier toe ennen brok oet ziene kael weg. Dae slechter zoel noeëts weite, waarom Stien 't soepevleis veurtaan beej 'nen andere zoel gaon koupe.

gebroeksveurwerpe, wie d'r dae morges ein van 't nachkesje nao d'n dreksbak waar verhoes. Hoeëge, lieëge, wieje, inge. En allemaol mit ein oeër. “Dae dao”, wees d'n Dieke in de derde rie. “Haet gen lip-rendje”, veroeërdeilde Stien. “Maar toch waal ein geribbeld oeër”, meinde d'n Dieke zien keus te mótte verdedige.

“Wao heb ik noow miene sleutel?” Wie 't kwaam zal nemes oeëts weite. D'n Dieke meinde, det Stien um al vas had, en Stien meinde det d'n Dieke um nog neet had losgelaote. Maar in eder geval veel de groeëte model tas mit eine doefe óntplóffing op d'n bäövesten dörpel. 't Pepeer barsde aop. Ein stök van 't lip-rendje huppelde twieë stuupkes



Mit d'n handdook in ein hand en in de andere ein gebroeksveurwerp (det nette luuj neet gaer beej de naam neume, maar det meestal achter de deur van ein nachkesje blief opgeslaote), leep Stien de slaopkamer oet. Wie 't juus op de bäöveste traej van de trap stónd, woort d'r weer aan de bel geluujd. Stien, det allermins op ennen twieëden aanslaag op zien hoeselike stilte bedach waar, kreeg enn'n aanval van spierverslapping in de vingers, en veurdet 't daovan bekómme waar, grepe zien vergaefs in de luch. 't Zoog nog net, wie 't gebroeksveurwerp euver ein oeër langs de traeye nao ónder hoedsdeboedsde. Halverwaeg makde de trap einen dreij, wao 't gebroeksveurwerp neet op scheen te raekene. 't Kletsde taege de moor en barsde oeterein wie enne riepe prónkappel.

't Grutste gedeelte mit 't oeër spróng nog vief traeye vaerder en bleef dan ouk ligge.

Stien noom zich ein paar minute um beej te kómme. Toen stapde 't

Wie d'n Dieke thoes kwaam, vónd hae Stien bezig op d'n aanrek de stökke aanein te passe, wie ze oeësprónkelik gezaete hadde. Me duit ouk neet zoeë gemakkelik aafstand van ein familiestök, det dich in mier as viefentwintig jaor aan 't hert gebakke is. “Wie kwaam det?” informeerde d'n Dieke veurzichtig. AS of Stien dao op gewach had, greep 't inens de scherve, dreijde ze in einen alde krant en begroof ze in d'n dreksbak. D'n Dieke wis wie laat 't waar ende stumming bleef daen daag in mineur.

Maar wie 't dónker woort en de lantaeres in de stad aanfloepde, óntduujde zoeë langzamerhand de gäötkleur van Stien zien gezich. En óngevier zes oor nao 't óngelök op de trap zag 't inens: “Waat zoel enne nieje koste?”

DE winkels in de stad stónde op sloete, wie d'n Dieke en Stien veur ein winkelbank stónde, die la gans volgesteveld waar mit

“Ze hebbe haos allemaol riebels”, zag de winkeljufvrouw. “Kiek deze ens. Zoel dae d'r neet beejkómme?”

Stien bekeek um. “nog zoeë kwaod neet. Is 't porselein?” vroog 't en 't heel um veur 't leech, of 't d'r door kós kieke.

“Dieke porselein”, zag de jufvrouw gauw. Stien wiefelde nog vief minute, leet zien ouge euver de tuinbank gaon en koch um dan. “Viefenviertig cent” zag de jufvrouw. “Weej hebbe van dae nog maar eine. Geej krieg de letste.” Zwaar in pepeer gedreid woort 't nie familiestök door d'n Dieke veurzichtig ónder d'n erm genaome. Nemes dae eur taegekwaam kós zeen, waat veur ein ordinair dink det waar.

“Zuuste waal”, zagge, wie ze haos thoes ware. “Twieë kwartjes. Nog néét....”

“Maar hae is ouk neet zoeë good.” “Halt ens vas”, prissenteerde d'n Dieke Stien 't ingedreide geval, wie zeej veur de hoesdeur stónde.

aaf, ein ander gedeelte boetsde taege de deur en 't oeër-mit-de-riebelkes slidderde ein hiel ind de straot op.

Stien verwerkde zwiegend 't drama. D'n Dieke keek zónder waat bepaolds te zeen.

Inens hoorte ze minse kómme aanloupe - van links, van rechts. En veurdet Stien binne waar, had ein pinda-menke ein groeëte scherf opgerap. “Bitte vrouw-baas, ist gevalle”. Hae lachde wie ein oeësters printje en prissenteerde drek: “Pinda-lekka”. En tot groeëte en dankbare verwóndering van d'n Dieke koch Stien 't plekkerig geval veur vief losse cent. 's Anderendaags, wie Stien de stad in waar um gans allein “enn'n derde nieje” te gaon koupe, zoog d'n Dieke wie de kinder mit de stökke van “d'n twieëde” hinkelkotjes op de stoep teikende.



Tel. 077-77 77 305

Uw partner in TURN-KEY led oplossingen



www.avl-solutions.eu

R!NG FOTO K!NO L!NDERS

Klaasstraat 32, 5911 JR Venlo, 077-3513137
www.fotokinolinders.nl, info@fotokinolinders.nl

Sur Place BRASSERIE



Kwartelenmarkt 13 5911 HZ Venlo
Til.: 077-3211399 www.brasseriesurplace.nl

Kiek veur ut letste Vaegers niejs op
www.devaegers.nl

wasserij
schraven



Wij wassen ook voor de particulier,
zoals beddengoed en tafellakens...



...en als het nodig is,
zelfs deze broek :)

Nassastraat 16 - Tegelen Tel 077 373 17 29
info@wasserijschraven.nl www.wasserijschraven.nl

SALUT

Salut Úw Topslijter

úw topSlijter

Rijksweg 50 Reuver
Tel.: 077-390 31 49

Maandag gesloten
Dinsdag t/m Donderdag van 09.00 tot 18.00 uur
Vrijdag van 09.00 tot 20.00 uur
Zaterdag van 09.00 tot 17.00 uur







ZWAORE LOEËTING WK

Van ógge 'leever lui dan muug' verslaaggaveer

't Is weer een WK-jaor en dus kiek ós 'leever lui dan muug'-redaksie alves in de glazen bol veur 't kómmende WK Joeks Jage in Hors America! 't Belaof ouk dit jaor weer 'n waar spektakelstök te gaon waere, aevel zal 't d'r veur de Vaegers dit jaor neet mekkelik op zien, gelet op de loeëdzwaore loeëting.

Zeej zien namelijk ingedeild in poule C same mit Die Buben oet 't Duitse Manheim (die kinne we nog van 't WK Zittinge Zitte), 't flamboyant en scherp speulende V.G. Los Joeksos oet 't Mexicaanse Acapulco en de winnaer van 't veurige WK: 't Poolse Kwantski en Trammelantski oet Warschau. Mit rech 'n poule van Mageren Hein dus. Nae, 't zoel De Vaegers good hebbe gedaon um beuveurbeeld in poule L te zitte, wao de lieëgvleegers zich bevinde.

Van Die Faschungjägers oet 't Zwiterse Geneve, de Puddingbieters oet Posterholt en 't Chinese 'Heng Thoes Lei' oet Guangzhou velt namelijk vuuel minder taegestand te verwachte.

Alzoeë. De Vaegers zien, ondanks de loeëting aevel zeker neet kansloos gelet op de sterke seleksie dit jaor. Aanvallend ingesteld en mit de punt nao veur verschiene zeej in idder geval aan d'n aaftrap. In taegestelling tot 't WK Zittinge Zitte is 'ne zier aanvallende speulstiel namelijk winselik beej 't Joeks Jage. De dreej spitse zien dan ouk maandelangk op huuegtestage gewaes in Tirol

en hebbe zich in de luwte veurbereid op 't WK. Zeej hebbe veural getraind op de onderdeile scepter-zweie, buun-hosse en glazer kantele. Op det vlak zulle ze Los Joeksos eur hiele ouk waal laote zien. Allein die Buben hebbe 'nen echte sterspeuler in de veurhoede staon dae kantelt as d'n beste.

Dus det wuurt 'n döbbeltje op de kant. Gelökkis de beschermhier as slaot op de deur ouk toegevoeg aan de seleksie um det döbbeltje net de goje kant op te tikke.

Aafgaonde op alle informatie die wee as redaksie in 't geniep hebbe verzameld doon wee de veurspelling det De Vaegers as tweijde in de poule zullen eindige, achter Kwantski en Trammelantski die tog euverduudelik favoriet zien.

Det zoel zier waarschienlik inhalde det zeej in de kwartfinale meugelik oetkómme taeg De Törvers in 'ne heuse, blauw-witte Venlosen derby. Det is zeker gen onmeugelike opgave, in taegendeil. Mochte De Vaegers door stoete en ouk de halve finale euverlaeve, dan komme ze ongetwiefeld die elf Poolse stukadoors weer taeg. Aevel brand ik mich dan de tengels neet aan d'n toto. ógge redakteur leet dan namelijk gewoen veur de kiekkas op de bank mit 'n kilozak Chipito's en 'n krat Duitse buukskes mit 'nen beugel.

Hup Vaegers!
En wies 't WK!

SJANG AAN 'T WERK!

Aan 't werk, det is 't dach Sjang. Maar ja waat duis se dan? Eigelik kin ik niks, maar bin ik eueveral good in.....

Snuffelstage det mós se doon zag Willem taeg ,m. Dan kins se in de keuke kieke beej ein bedrief. Jao maar zag Sjang det is ein gans ander verhaol en det steit al in de Kwaaker! Ik hoof die keuke neet te zien.

Dan maar sollecitere. Maar Sjang snapde d'r niks van, waat laes ik dan heej? Ik mót ein CV hebbe?!? Waat mak det noow toch oet eine palletkachel is toch ouk bes good! Ik gaon d'r maar neet euver nãöle dach Sjang en hae makde d'n ierste breek. Daen breek ging al flot mit de pos de deur oet. Netjes d'r beej zette det d'r genne CV waas maar 'ne palletkachel en dan zal 't waal good kómme dach Sjang.

is det zoeë gepiep.

Sjang zien ierste salaris kwaam binne. Jao fijn, intelik pecunia in de laaj!! En verkantiegeld kreeg hae ouk. Tja dan mót ik dus waal op verkansie, waat ein gedeuns! Wao gaon we haer? Jao det wiste, det wiste we zoeë gaer. Sjang zoot mit de hand in zien haor. De Melderse of misschiens waal nao d'n Bookend.

Naodet Sjang ziene plogendeens d'r op had zitte ging hae drek op paad. Rôkzak en goje schoon en dan kumps se d'r waal hadde zien kollega's taeg 'm gezag.

Nao eine halven daag geloupe te hebbe stónd hae midde op ein plein. Dit mót 't dan zien mien verkantieplaetske. Ens kieke wao ik heej 'ne hiering in de grónd kin houwe. De volgende morge waas 't erg vruug toen d'r



111 breve later, jaowaal huur inens positief niets! Sjang kós beginne in plogen deens beej de gemeente. Sjang vónd 't waal lastig um alle ploge te liere kinne maar zien kollega's ware bes leuk. Willem kwaam ens verhaol haole. Want hae woel waal ens weite wie 't 'm beveel. Ik wis neet det die zoeëvuuel land hadde beej de gemeente zag Sjang, maar met ein goje ploog

inens eine mit ein roeje neus, greune bóks en geschminck naeve 'm stond. Ha Sjang dich bis d'r vruug beej zeg..... pilske?

Sjang zien verkansie waas vastelaovend gewaore, en pecunia det had Sjang zat...



Leemkampstraat 10 till. 077 351 9127 www.jacobsverzekerd.nl




Adfiz
Adviseurs in Financiële Zekerheid

www.jacobsverzekerd.nl

Leemkampstraat 10, 5913 VH Venlo

Tel.: 077-351 91 27 ~ info@jacobsverzekerd.nl

Haej!... Wachtel!... Kôm ens heej!.. Die Reclame van Braind Internet & Vormgaeving wil ik Wààl Zeen!!



Veur ein website, hoësstiël,
of ein creatief idee! www.braind.nl

BRAIND

INTERNET & VORMGEVING